



Održano ročište za određivanje pritvora osumnjičenima u akciji "Pandora"

# Čampara: Nanijeli su više štete nego poplave

**Decenija: Tužilac tvrdi da nanošenje štete traje od 2004. i formiranja UIO, odnosno od početka Čauševićevog mandata do danas**

**Mirsada LINGO-DEMIROVIĆ**

SARAJEVO - U Sudu BiH u petak je održano ročište po prijedlogu Tužilaštva BiH za određivanje pritvora za deset osumnjičenih u predmetu "Kemal Čaušević i drugi", a koji su u srijedu uhapšeni u akciji "Pandora", koju provode Tužilaštvo BiH i SIPA.

Sud BiH o prijedlogu Tužilaštva treba da se izjasni u roku od 24 sata od podnošenja tog prijedloga.

"To znači da Sud BiH treba da se izjasni večeras (petak) do 20 sati i 20 minuta", rekao je Fahrija Karkin, advokat jednog od osumnjičenika.

U drugoj sudnici uporedo je trajalo ročište po prijedlogu Tužilaštva za određivanje mjera zabrane za još dvadeset osumnjičenih u ovom predmetu.

Tužiocu Dubravko Čampara i Oleg Čavka pred postupajućim sudijom za prethodni postupak Željkom Marinić istakli da su uhapšene osobe osumnjičene za organizovani kriminal u vezi sa zloupotrebom položaja stvaranjem monopolističkog položaja na tržištu, pranje novca, poreznu utaju, carinsku prevanu i protuzakonito posredovanje.

Čampara je rekao da će Tužilaštvo dokazati da je zbog krivičnih djela ove grupe budžet BiH oštećen za više od dvije milijarde KM.



Uhapšene osobe osumnjičene za organizovani kriminal  
FOTO: N. UGLJEŠA

**BRANIOCI NEGIRALI SUMNJE TUŽILAŠTVA**

"Nanijeli su više štete nego poplave koje su pogodile zemlju", procijenio je Čampara. On tvrdi da to nanošenje štete traje od 2004. i formiranja UIO, odnosno od početka Čauševićevog mandata do danas.

"Čaušević je otišao u februaru 2011, ali je njegove 'poslove' preuzeo Zdravko Cvjetinović. Njihova imovina se enormno povećavala, kako u BiH, tako i van nje, a takvu imovinu nije moguće steći od plaće. Jedino da mi donešu dobitni loto tiket uplaćen u Evropskoj uniji. 'To bi jedino moglo opravdati ovoliku dobit', rekao je.

Dodao je kako su svi osumnjičeni, izuzev prvoosumnjičenog Čauševića, još uspjesnici UIO, te

da su do neki dan obavljali poslove zbog kojih su lišeni slobode.

"Cvjetinović je dobio dojavu da će biti uhapšen te je krenuo bježati, a pripadnici SIPA su ga lišili slobode u Gradišci. Imao je gdje pobjeći jer je koruptivnim radnjama stekao veliku imovinu u susjednoj Srbiji", naveo je tužilac Čampara.

Cvjetinović je ovu tvrdnju

negirao, te pojasnio da je krenuo na odmor i da tome svjedoči i garderoba u njegovom koferu.

Tužilac Čavka je rekao da je Čaušević bio produžena ruka Ramiza Delalića Čele, te da je njegovim posredovanjem stupio u kontakt s Anesom Sadikovićem.

Čaušević je ove navode opovrgnuo rekavši da je Čelu vidio sam šest puta i to kad mu je bio

komandant u ratu te da nije imao nikakve kontakte s njim.

Istakao je da se slaže da ispitaju sve radnike i ako jedan potvrdi da mu je on rekao da radi nešto mimo zakona "pristaje da odmah dobije 40 godina".

Asim Čmalić, advokat prvooptuženog Čauševića, negirao je

**"Čaušević je stipsa, on neće ni kafu platiti"**

Asim Čmalić, advokat Kemala Čauševića, govorio je o bogatstvu svog klijenta.

"On nije trošio novac po kafanama, a moram reći i da je stipsa i da neće drugome platiti kafu. Sve što je imao, ulagao je u nekretnine, čak nije ni putovao, izuzev ako bi mu za to bile plaćene dnevnice, od kojih je također zaradio značajnu sumu", naveo je Čmalić, dodajući da je porijeklo Čauševićeve imovine lako provjerljivo. Čaušević se požalio Sudu BiH na uvjete u pritvoru.

"Dva dana ništa nisam jeo, a nisu mi htjeli donijeti ni naočare. Uvjeti u kojima drže pritvorene su nehumani. Nisu mi dali ni da se presvučem, a nuždu vršimo u posudi u sobi u kojoj boravimo", rekao je Čaušević. Njemu je u toku suđenja bilo loše, pa ga je sudija pitala da li želi da napravi pauzu, na što je Čaušević rekao da može izdržati do pauze.

navode tužitelja, ističući kako Čaušević nije imao veze s postavljanjem Cvjetinovića, te zatražio da ga pušte iz pritvora.

Čavka je kazao da je Čaušević vršio mobing nad radnicima UIO BiH, te da im je, kako bi ih držao pod kontrolom, svaka tri mjeseca produžavao radni odnos.

Osim Čauševiću i Zdravku Cvjetinoviću, Tužilaštvo je predložilo pritvor i za Zorana Cvjetinovića, Janka Jovanovića, Anesa Sadikovića, Enisu Imširović, Jusufu Čosovića, Milanka Nikića, Miroslava Kragulja te Radovana Đunića, koji je u bijegu.

Ratko Kovačević, portparol UIO, rekao je da će svi službenici kojima bude određen pritvor biti suspendovani.

## Procesuirati svakog ko je kršio zakon

Predsjednik Republike Srpske Milorad Dodik rekao je da svako ko je kršio zakon treba da bude procesuiran, ali da ne vjeruje u Tužilaštvo i Sud BiH. "Ne vjerujem u Tužilaštvo i Sud

BiH, jer mislim da su politički motivisani, ali svakako podržavam borbu protiv kriminala i svako ko je suočen s kršenjem zakona treba da odgovara", rekao je Dodik.



**SUSPENZIJA**  
**Svi službenici UIO kojima bude određen pritvor biće suspendovani**